

illo siccitatē aut flatus gigni. Præterea si ullo tēpore ex fumis fieri possit Cometa, cur post cœli ardorem, de quo inferius, non est factus, eodem ipso mense, uel saltem anno? Omnia erant parata, nihil deerat, cœlum semper idē, cœli conuersio eodē, sub æthere ignis, ut putant, adurēs, omnia tibi tunc flammaram plena: quī non extitit Cometa? Sed quādo nullus fuit, in tanta fumorū & flammarū uī, neq; ex fumis Cometa erit, neque à Cometa fumus, aut uentus, aut siccitas.

Atq; hoc loco Erastū summū Philosophū & Medicū singularē præterire nō possum. Video & fanè doleo, me eū nō esse, qui cū tātō Hercule cōgredi possim. Nō dubito tamē, te maximē, Patrone, uirū laudāte, fore illi meam hāc disputatiunculā nō ingrātā. Legi, ut scis, huius Magistri scriptū. Quātōpere tibi tūm gratulatus de istius iudicio tecū sentiētis, uidisti. Sed illud me mouebat, quod Peripatetici opinionem de uentis probans habet, *non modo à cœlo, sed ab insito terræ calore uentos & fumos gigni.* Imō longē grauior est eius oratio. Nam inquit: *Halitus à terræ calore potius, quā à stellis est, qui calor in terræ uisceribus omnia mutat, coquit, perficit, ut animalium calor.* Hæc ille. Ad quæ ipse ista opponam: Nullum ferē hominē ignorare, minimum qui ppiam esse terrenum globum, si cum cœli magnitudine conferatur. Quo fit, ut nulla sit stellarum uel minima, quæ terram subiectā radio & uī sua non possit afficere. Quanta igitur est Lunæ uirtus? quanta unius tantem Solis? quanta ab omnibus unā stellis. Et si ab ipso Sole terra non tepescit modò, sed aliquando incenditur, uel saltē feruet, ut ego in patria uix nudis pedibus tangere potuerim, nonne satis hoc unum astrum erit ad halitus terræ eliciendos? Videmus recedente à Cancro sole adesse hyemem, durefcere terrā, iacere niues, omnia glaciē incrustari, flumina, lacus, torrentes omnes congelari, spiramenta plantarum & animantium astringi. Contrā ad æstatem, Sole ad nos redeunte, omnia molli-ri, aperiri, laxari, peruia reddi, & non à Sole uno, uel ab

Cap. V.

In Erastio

“
Erasti uer-
ba

Cœli ma-
gnitudo
Terræ par-
uitas
Stellarum
uires
Solis uis ad
calorem
Solis re-
cestus
Solis ad
nos reditus